

МИРКАРИМ ОСИМ

ТҮМАРИС

I

Чўл баҳор келинчаги оёғи остига чечаклар билан безалган яшил пойандозини ёйиб ташлаган. Тўрғайлар ҳавода пириллаб қўкламга мадҳия ўқимоқда. Ранго-ранг капалаклар чечакларнинг хушбўй ҳидидан маст. Аллақандай узун оёқли қушлар ўтлар орасида думларини ликиллатиб, катта-катта босиб юради, тошбақалар буришиб кетган хунук бўйинларини ўтларга чўзади, қўнғизлар эса орқаларига қараб юриб, тезакдан ясаган қумалоқларини аллақаёққа юмалатади. Қизгиш-қўнғир бир илон ўт орасидан ўрмалаб келиб, атрофии томоша қилаётгандек қаққайиб қолган юмонқозиққа ташланади, қушларга ўхшаб чирқиллаб турган калтакесаклар қўрқиб кетиб оёқлари билан қумлоқ ерии икки ёнларига чиқариб, тупроқ остига яширинади. Баъзан оувуллар яқинидан кўкраклари оппоқ сайғоқлар гала-гала бўлиб чопиб ўтади, ер гумбурлаб кетади.

Орол дengизининг жанубидаги шу бепоён чўлларнинг соҳиби бўлган кўчманчи массагетлар¹ келин кутмоқда. Уларнинг қароргоҳи байрам тусини олган. Ҳар ер-хар ерга гулхан қаланган, кийик ва қўй гўшти пишётган мис қозонлар гўё меҳмонларни сабрсизлик билан кутаётгандек шақир-шақир қайнамоқда.

Қабила бошлиги Тўмарис ўғли Сипарангизни шак² уругидан Зарина деган бир қизга уйлантирмоқда. Массагетлар келинни олиб келадиган меҳмонларни кутиб олиш тараддуудида.

Ешлар меҳмонларга жой ҳозирламоқда, аёллар овқат пиширмоқда, янгалар ўтов хизматини ўтайдиган узуи соябон араваларни безатмоқда... «

Чарчаб гулхан ёнида ўтирган ёшлар узоқдан от чоптириб келаётган чопарни кўриб, ўринларидан сакраб туриб кетдилар.

— Келин... келин келаётир,— деб бақирди у ҳарсиллаб.— Қариялар олдинда... дарҳол кутиб олинглар.

Чопар сакраб эгардан тушди-ю, отини қозиққа боғлаб, бир чеккадаги катта гулхан яқинидаги чоллар олдига бориб ўтириди.

Бутун қароргоҳ оёққа қалқиб, азиз меҳмонларни күтишга ҳозирланди. Орадан кўп ўтмай узоқда учнингичка намат қалпоқ кийган отлиқлар кўринди. Массагет ёшлари шакларга пешвоз чиқиб:

— Хуни келибсизлар, қўноқлар, пойқадамларинги газа хасанот,— дедилар ва отларини жиловидан ушлаб, эгардан тушиниларига ёрдам бердилар.

Шаклар отдан тушиб, массагет қариялари билан кўришганиларидан кейин атрофи соябон аравалар билан куршалган сайҳон жойга, гулдор наматлар устига чордана қуриб ўтирилар. Мезбонлар қўй терисидан қилинган супраларда иширилган гўшт, мешларда қимиз келтира бошлидилар.

Куни ботгандан кейин келин ва унинг дўтоналари тушиган узун соябон аравалар етиб келди. Ҳар ер-ҳар ерга қалангани гулханларининг олови гуриллаб, осмонни ёритиб юборди, аинулаларининг авжи фалакка кўтирилди. Келин билан келган қизлар ва йигитларининг ялласи, болаларниң қий-чуби, хурсандликдан терисига сифмай қолган кишиларининг шовқининга қўшилиб кетди. Осмон бара-вар кўтирилган гулханларнинг ёругида ўйин-кулги, зиёфат бошланди.

Вақт алла-палла бўлганда қуёв билан келинни улар учун белгиланган соябон аравага чиқариш олдидан кураштириб кўришиди³.

Бўйчан, бугдойранг, соchlари тимқора, кўзлари чақнаб турган Зарина ўзининг сахроий гўзаллиги билан бошқа абллардан ажратлиб турарди. У гулханлар ёругида давра қуриб ўтирган йигит-қизларга бир қараб олдиди, тўрда, обрўли камнирлар ва чоллар қуршовида савлат тўкиб ўтирган Тўмарисега таъзим қилди, сўнгра қаршисида куралига шайланиб турган чўзинчоқ юзли, кўзлари катта-китта Синарапгизга тикилди. Қиз соchlарини рўмолча билан маҳкам тағиб, белини камар билан боғлаб олган эди. У бехоедан келиб, йигитни белидан олди-да, чирширак қилиб улоқтириб юборди, йигит анча ергача гандирақлиб бориб тизаблаб қолди. Келин томондан келган йигит-қивлир хурсанд бўлиб қийқириб юбордилар.

Кўёв билан келин шайт пойлаб, бир-бирларининг атрофида ишчагача ийланниб юришиди. Зарина эпчилик билан Синарапгизага чанг солиб уни чалиб юборди, йигит ёнбони билан қаттиқ йицилди ю, лекин орқаси ерга тегмади, дарҳол синераб турриб инча олиши кетди.

Бир-бирларини йицита олмагандан кейин улар ўзларини сонгутини учун ийланниб юришиди. Синарапгиз тег-

тиклангандан кейин тўсатдан қизнинг ўнг қўлига ёпиши-ди-ю, бир силтаб тортиб, хипча белидан маҳкам қисганича кўкрагига кўтариб олди. Қиз чап томонга ташлайди, деб мўлжаллаб турган эди, йигит унинг кўнглидаги гапни англагандай, тиззаси билан қайриб, ўнг томонга ташлади. Шу маҳалгача нафаслари ичларига тушиб кетган куёв томон йигитлари қийқириб юбордилар. Қизнинг ягрини ерга теккан эди, у қизариб-бўзарив ўрнидан тургач, янгалар: «Яраш-яраш», — деб бақириб, келин билан куёвни аравага чиқариб қўйдилар.

Эртаси куни тонготар пайтида ҳаво айниб, кум бўрони бошланди. Ҳамма жониворлар саҳродан келган қум уормаларидан ўзларини сақлаш учун ин-инларига беркинди, чўл ҳувиллаб қолди. Қум тўзонидан осмон қоронгилашди, кўчманчилар араваларининг ҳаммаёғини беркитиб олдилар. Бўрон бир соат давом этди, сўнгра қандай бехосдан бошланган бўлса, шундай тез тинди. Соябон араваларнинг олди очилди, одамлар намат устига ёйилган қумларни қоқиб тушира бошладилар. Тўрғайлар ҳеч нарса бўлмагандек, яна чулдираб қўшиқларини айтишга киришиди. Офтоб яна жилмайиб, чўл келинчаги устидан яна олтин таңгалар соча бошлади. Баҳор наққони яна қўлига мўйжалиамини олиб, табиат қўйпига зебо нақшлар сола бошлади.

Ўғли билан келининг қараб Тўмариснинг севинчи ичига сигмас эди. Бироқ ойнинг ўн беши ёруғ бўлса, ўн беши қоронги, деб бекорга айтмаганлар. Баҳт осмонида бир парча булат пайдо бўлиб, чўл маликасининг юрагини ғашқила бошлади. Мамлакат чегарасидан келган чопарлар унинг ҳузурига Эрон шоҳининг элчиси келаётганидан дарак берган эдилар.

Қайхисравнинг⁴ элчиси ўз мулозимлари билан Ўқузнинг⁵ ўнг қирғогига ўтиб, икки кун йўл юргандан кейин Тўмарис ҳузурига етиб келди. У отини секин юргизиб, устига оқ намат қопланган катта соябон арава олдида тўхтатди. Шу пайт әгнига яргоқ теридан камзул кийган, камарига қилич ва ўқ-ёй осган намат қалпоқли бир паҳлавон йигит келиб, отниг жиловидан ушлади ва элчи эгардан тушгунча бир қўли билан олтин узангини ушлаб турди. Худди ўша йигитга ўҳшаб қуролланган икки аёл арава ёнига шолча солиб, таъзим қилганиларича қотиб қолдилар. Ёши қирқларга бориб қолган, чиройликкина бир аёл араванинг орқасидаги пардани кўтарди-да, белидаги олтин камарга тақилган қиличини авайлаб ушлаган ҳолда палос устига сакраб тушди. Бу аёл массагетлар маликаси Тўмарис эди. Ярқироқ мис болта ушлатан

икки қиз унинг икки ёнига келиб турди. Элчи Тўмарисни кўргач, икки қўлини ерга қўйиб, ер ўпди-ю, ўридан туриб таъзим қилди:

— Шаҳанишоҳи Эрон аълоҳазратлари сен улуг маликага беҳад салом ва совғалар юбордилар,— деди у баланд овоз билан.— Сенга соғлиқ, туман бойлик ва узоқ умр тилаб қолдилар.

У тумтароқли сўзлар билан Тўмарисни қутлуғлар экан, мулоғимлари тилладўз чопон ва ҳарир кўйлаклар тугилган зарбоф бўғчани малика оёғи остига қўйдилар.

Тўмарис совғалар учун миннатдорчилик билдириб, Эрон шоҳининг соглигини сўради ва элчининг йўлда қандай келганини суриштириди, сўнгра шолча устига ташланган йўлбарс терисига ўтиришни таклиф қилди. Элчи ва унинг мулоғимлари ҳам қатор қилиб солинган пўстаклар устига ўтиридилар. Орадан кўп ўтмай, мезбонлар улар олдига чарм супра ёзиб, пиширилган қўй гўшти, балиқ, гоз, ўрдак кабоб келтириб қўйдилар. Элчи билан ёимаён ўтириб, униг гапга солаётган Тўмарис овқатга манзират қилди.

Элчи овқат еб ўтирасрар экан, доимий овул ва шаҳарлари бўлмаган массагетларнинг қўй ва йилқилар орасида жуда ибтидоий ҳаёт кечиришига, аёлларнинг эркаклардек қуролланганига, маликанинг оддий одамлар қаторида ўтиришига ҳайрон қолар ва унинг турмушини сернақш кошоналарда, зеб-зийнат ичиди яшовчи Эрон шоҳининг ҳаёти билан солишириарди: «Шуям малика бўлди-ю,— деб ўйларди у:— ўз фуқаролари билан ёнма-ён ўтириб овқат ейди, соchlари ўсиб елкасига тушган йилқичилар қўл чўзиб, униг олдидан ёғлиқ гўшти олиб ейдилар, на остида олтин тахти бор ва на бошида тожи. Аёлларнинг эркаклар билан ёнма-ён ўтириб, бир-бирларига гап отиб, гўшт чайнашларини қаранг. Бу хотинларнинг эрлари рашик нима эканини билмасалар кёрак. Тавба, аёл киши ҳам қурол тақадими? Буларда на қул бор ва на хизматкор, ҳаммалари тоғланларини ўртада баҳам кўрадилар. Ёввойи халиқ-да! Қул бўлишдан бошقا нарсага ярамайди булар!»

Кайхисрав элчисини юбораётганда унга: «Агар Тўмарисни хотин қилиб олсан, униг фуқароси ўз-ўзидан менга қарам бўлиб қолади, урушиб ўтиришига ҳожат қолмайди. Сенинг вазифанг менинг шу режамни рўёбга чиқаришга ёрдам беришдан иборатdir, тушуцдингми?» — деган эди.

Элчи ҳозир ўз подшоҳининг тоширигини бажариш

учун бутун айёргини ишга солар, тилёғламалик қилиб, Тўмарисни мақтаб кўкларга кўтарар эди:

— Оламда шу маҳалгача ҳеч бир заифа шундог улуғ мамлакатга хукмдор бўлмаган, ер юзи сендеқ адолатли маликани кўрмаган,— дерди у кекирдагини чўзиб.— Офтоб тангриси сенга ҳам ҳусн берибдур, ҳам шон-шавкат. Агар сен ўз тақдирингни бизнинг шаҳаншоҳ тақдирни билан боғласанг, дунёда ҳеч бир подшоҳ бизга бас келолмайдур.— Шу зайлдаги тумтароқли гаплардан кейин ўз мақсадини очиқ баён этди:— Мен ёлғиз элчи эмас, совчи ҳам бўлиб келдим. Шаҳаншоҳ олам сенга гойибона ошиқ бўлганлар.

Тўмарис овқат ейишдан тўхтаб қолди.

— Не дединг? Совчи бўлиб?

У Эрон шоҳининг қандай пиятда эканини энди тушубниб олган эди.

— Ҳа, совчи бўлиб,— тақрорлади элчи бош эгиб.— Эринг ўлганига бир йилдан ошди, ҳали ёшсан, гўзалсан. Фақат шаҳаншоҳи олам Кайхисрав каби улуғ хукмдорга муносиб қалликдурсан.

— Нима, унинг хотинлари ўлиб, ўзи сўққабош бўлиб қолдими?

— Йўқ, хотинларининг ҳаммаси сог-саломат. Ул кишига кўёвга чиқсанг, сен бош хотин, барча хотинлари сенинг чўринг бўладилар.

Тўмарис қошлигини чимириб, ўйга толди. Агар у шоҳининг совгаларини ва тақлифини қабул қиласа, халиқининг бошига қандай кунлар келишини кўз олдига келтириб, даҳшатга тушди.

— Шаҳаншоҳ менга эмас, менинг юртимга, бойлигимга ошиқ бўлгандир,— деди Тўмарис заҳарханда қилиб.— Мен эмас, шу сербарақа юртим унга керак бўлиб қолган. Сиз, элчи жаноблари, ўз тоғдорингизга бориб айтинг: мен унинг тақлифини қатъяян рад этаман. Мен унга қаллиқ бўлишни, ўз элимни унга қул қилиб топширишни истамайман.

— Шаҳаншоҳнинг тақлифларига рад жавоб беришдан аввал саркардалар ва улуғ оқсоқолларингнинг маслаҳатини олишинг, ўйлашиб кўришинг керак эди,— деди элчи Тўмариснинг ўнг-сўлида ўтирган намат қалпоқли, яроғ теридан камзул кийган кишиларга истехзо аралаш назар ташлаб.

— Бу тўғрида ўйлаб бош қотиришни кечиди, деди уруғ оқсоқолларидан бири.— Юртимизнинг ўзини рост гапни айтдай. Хуқидорингга бориб кетишини кечиди.

хотин, улуси қул бўлишни истамас эмиш», деб айт. Агар шаҳаншоҳ бизга меҳмон бўлиб келса, яхшилаб зиёфат қиласиз, оёига қирқ қўчкор сўямиз. Аммо қилич билан келса, бари аскарларини қириб ташлаб, уларнинг қонини ўзига ичирамиз.

— Улуғ шаҳаншоҳи Эроннинг шаъниларига ярашмайдиган гап бўлди,— деди элчи бўғриқиб кетиб. У қаттиқроқ бир гап айтмоқчи эди-ю, аммо газаб билан тикилиб турган чехраларни кўриб, тилини тишлаб қолди.— Улуғ тоҷдор мени яхши ният билан юборган эдилар. Сизлар улуғ шаҳаншоҳнинг эзгу ниятларини пайқамадингиз. Бунинг оқибати сиз учун хайрли бўлмас.

— Агар элчи бўлмаганингизда, шул гапни айтган оғзингизни қум билан тўлдирап эдим. Қаерда эканлигини гизни унутманг, жаноб! Орқа-ўнгингизга қараб гапиринг. Шаҳаншоҳи Эроннинг нияти бизга маълум бўлди,— деди ҳамон жаҳлдан тушмаган Тўмарис.— Бошимиздан зар сочғанларингда ҳам биээркинликни қулликка алиштирмаймиз.

Дастурхон атрофида ўтирганлар:

— Рост ган!

— Ватандош аёлларимизнинг гапи бундай бўлади.— деб Тўмариснинг сўзини маъқулладилар.

Шу пайт узоқдан от дунури ва йигит-қизларнинг қийириғи эшитилиб қолди. Элчи хавотирланиб, чанг-тўзон кўтарилиган томонга қаради.

— Кўрқманг, ўғлим Сипарангиз ўз қайлиги ва дўстлари билан шикордан қайтиб келаётир,— деб элчини тинчитди Тўмарис.— Яхшики бояги гапларингизни ўғлим эшитмади, ийӯқса, терингизга сомон тиқсан бўлур эди! Қизиқон, гайратли йигит у.

Бир лахзадан сўнг чўл шамолидан юzlари бир оз қорайган, кўзлари чақнаган, қора сочли уч чиройли қиз билан уч барваста йигит отларидан сакраб тушдилар ва Тўмариснинг олдига икки оқ қуйруқ кийикни келтириб қўйдилар. Қизларнинг ҳам, йигитларнинг ҳам белларида ўқ-ёй ва садоқларида ўқлари бор эди.

Элчи ўриидан туриб, юzlари чўзинчоқ, кўзлари катта, новчадан келган Сипарангизга таъзим қилди ва тумтароқли сўзлар билан ўзининг кимлигини эълон қилиб, унинг соглигини сўради. Сипарангиз у билан сўрашиб бўлгандан кейин, қайлиги билан элчининг сўл томонига, ўйлбарс териси устига ўтирди.

Тўй куни Сипарангиздан йиқилгани учун унга итоат-тўй бўлиб қолган Зарина эрининг ёнида одоб сақлаб,

унинг сўзларига қулоқ солиб ўтирас, ундаи олдин гап бошлашини ўзига эп кўрмас эди.

Сипарангиз элчининг йўлда қандай келганлигини сўради, элчининг батафсил ҳикоясини тинглагандан кейин такаллуфсизлик билан Эрон шаҳаншоҳининг бойлиги, унинг қанча мулозим ҳам қуллари, неча хотини борлиги ва ҳоказоларни суриштира бошлади. Элчи хинага бўялган соқолини сийнаб кулимсиаркан, саволларга батафсил жавоб бериб, шоҳнинг саройидаги урф-одатлар билан уни таништирди. Ёшлар Эрон шоҳининг кўз кўрмаган, қулоқ эшиитмаган зеб-зийнат ичидаги яшаси, ичкилик базмлари тўғрисидаги ҳикоясини завқ билан тинглаб ўтирилар.

— Шаҳаншоҳ зиёфатига таклиф этилган зардўз чонли аъён-амалдорлар, ҳарир кийим кийган меҳмонлар, бегона юрт элчилари аввал олтин тахт устида ўтирган шоҳи оламга таъзим қилиб, ўзларига кўрсатилган ерга ўтирадурлар. Этакларини бар урган эпчил баковуллар ош тортар экан, белларига қирқтадан қўнғироқ таққан ёш соқийлар уларга олтин пиёлаларда шароб тутадилар, Бир тарафда созандалар...

Элчининг гапига диққат билан қулоқ солиб ўтирган бир йигит унинг сўзини охиригача тинглаб:

— Сиз шароб деган сўзни ишлатдингиз, бу нима, бизга тушунтириб беринг,— деди.

— Шароб узум сувидан тайёрланадиган ажойиб ичимлиқ, ўзи хуштаъм, бир коса уриб олсангиз, вақтингиз чоғ бўлиб, кулаверасиз.

— Ажойиб нарса экан,— деди бояги йигит сўлакайини оқизиб.

Тўмарис қовоғини солиб ўтирас, ёшлар элчининг ҳикоясини завқ билан тинглаётганига ғаши келарди. Сипарангиз Тўмариснинг авзойига қараб, ўзи йўқлигига онасининг кайфини бузган бир гап ўтганини пайқади.

Эртасига у нима бўлганини сўраб-суриштириб билиб олди. У шоҳнинг таклифини онаси қатъян рад этганини эшитиб, хурсанд бўлган эса-да, бироқ элчига нисбатан қаттиқ чора кўрилмаганига ҳайрон қолди.

— Элчининг қулоқ-бурнини кесиб жўнатиш керак,— деди у қатъий қилиб.

— Бундай қилиш ярамайди. Элчида айб йўқ. У ўз қулогига қуйиб қўйилган гапларни гапирди, холос. Яхшиси, келтирган совға-саломини қўлига бериб жўнатамиз, шунинг ўзи шоҳга тарсаки бўлиб тушади,— деди Тўмарис.

II

Маргийна⁶ ии, Сўгдия⁷ ии ишгол қилган Қайхисрав ўз қўшини билан Ўқузнинг чап қирғоғига келиб чодир курган эди. У Тўмарис ҳузуридан қайтиб келган элчисининг маърузасини тинглаб, макр-хийла билан массагетларни асорат занжирига тушириш мумкин эмаслигини пайқади ва қурол кучи билан уларни итоатга келтиришга аҳд қилди.

Орадан кўп ўтмай, Тўмарисиниң айғоқчилари, Қайхисравининг катта қўшини Ўқуздан ўтиш тараддудида, эронийлар ёғоч ва қамишлардан соллар ясамоқдалар, деб дарак тониб келдилар. Тўмарис жанг кўрган доно чоллар, аёлларни чақириб кенгаш ўтказди. Чоллардан бири дарҳол ўқ-ёй билан қуролланган мергаиларни дарё бўйига юбориб, кўпприк қураётган эронийларни ўққа тутишни, ўнг қирғоққа ўтишиларига имкон бермасликни маслаҳат берди. Сиҳарангиз бу таклифга қарши чиқди:

— Бундай қилсан, хоразмийлар, Яксартниң⁸ нарёғидаги шаклар нима дейдилар, биласизми? Массагетлар эронийлар билан тўқнашишдан қўрқиб, уларни дарёдан ўтказмадилар, узоқдан уларни ўққа тутиб, кўприкларини, солларини бузиб ташладилар, деб айюҳаниос урадилар. Бундан сўнг биз нима деган одам бўламиз, қандай қилиб бош кўтариб юргаймиз. Яхиси, эронийларга элчи юбориб, биз кўпприк қуриб, дарёниң бу бетига ўтишингизга тўскенилик қилмаймиз, ўтиб олганингиздан кейин сиз билан жанг қилининг тайёрмиз, дейинимиз керак.

— Ганининг ўғил боласи мана бундоқ бўлади,— деб унинг сўзини қувватлади ёнроқ бир йигит.

Тўмарис ҳам жанговар массагет элининг обрўсини сақлаб қолини мақсадида ўғлиниң гапини маъқуллаб, чолниңг таклифини рад этди.

Шундан сўнг Амунинг ўнг қирғогидаги бепоён чўлисстопда биридан бири даҳнатли воқеалар юз бера бошлади. Жанговар йигитларининг тантилиги уларга жуда қимматга тушиб кетди.

Қайхисрав ўзининг отлиқлари ва оғир қуролли пиёдаларини дарёдан монесиз олиб ўтгач, дарҳол массагетлар устига юриш бошлади, лекин бир ҳафта юрса ҳам уларни учратолмади. Кўчманчиларнинг эронийларни бепоён чўллар ичига олиб кириб, уларни сувсиз, озиқ-овқатсиз қолдириб, тор-мор қилини ниятида эканликлари маълум бўлиб қолди. Ёз бошланиб, кунлар исиб кетган, майсалар қовжираф, саргайиб қолган эди.

Кайхисрав кенгаши чақириб, тажрибали чолларниңг маслаҳатини эшитмоқчи бўлди.

— Балиқ дарёда ўзини қандай сезса, бу лаънати кўчманчилар ҳам шу сувсиз чўлларда ўзларини шундай сезадилар,— деди кекса жангчилардан бири.— Чўл-биёбон уларниңг ўз бағрида ўтирган меҳрибон онаси, биз учун эса ўтай онадан баттар. Массагетлар қаерда булоқ, қаерда қудуқ бор, яхши биладилар...

— Хўш, уларни тор-мор қўлмоқ учун қандай чоралар кўришни тавсия этасиз?— деди ипак чодирнинг тўрида ўтирган Кайхисрав ноҳушланниб. Унинг эгнида подшолик аломати бўлган тўқ қизил кимхоб чопон, қўлида жавоҳирлар билан безалган асо, бир мулозим узун елпигич билан тинмай елпиб турарди.

— Уларни тор-мор қўлмоқ учун шундай бир найранг ишлатмоқ керак. Қўшинимизни учга бўлиб, бир қисмини орқада қолдирсан ва уларни озиқ-овқат, шароб-ноб билан мўл-кўл таъмин этсан... Қолган икки қисм билан юришни давом эттирасак.

Эрон шоҳи кўпни кўрган кекса жангчининг макр-хийладан иборат бўлган режасини завқ билан тинглаб ўтириди. «Соддадил массагетлар дарёдан ўтишимизга монелик қилмай, мардлик кўрсатди-ю, бизлар ҳийла ишлатиб, номардлик қиласизми?» — деган фикр кўнглиниңг кўчасига ҳам келмасди. Ироқ ва Мисрни, Ўрта Осиёниңг жанубий қисмини қурол ва олтин, макр-хийла билан босиб олиб, буюк Эрон давлатини барпо этган бу шуҳратнараст шоҳ мақсадига эришиши ўйлида ҳар қанақа номардликлардан тап тортмасди.

У аскарнинг учдан икки қисмини бошлаб илгарила бетди, орқароқда қолган жангчилари худди зиёфатга тайёрланаётгандай ипак чодирлар қуриб, ер ўчоқлар қазий бошладилар.

Ўз айгоқчилари орқали бундан хабар топган Тўмарис асосий қўшинидан ажralиб орқада қолган душман қисмини тор-мор этиш пайига тушди. У аскарларининг учдан бир қисмини ўғли Сипарангизга топшириб, буюрди:

— Сен уларни тўзгитиб юборгандан кейин ҳаялламай, дарҳол Кайхисравга орқа томондан от сол, биз манглайидан урамиз. Қуёш тангриси бизни ёрлақаса, шаҳаншоҳи Эрон аскарлари қуршовда қолган жайронлардай, қочгани жой тополмай қолғайлар. Үқдингми?

— Үқдим,— деди ўғли ва уққанини кўрсатиш учун онасининг айтган гапларини такрорлади.

— Бор, ўғлим, Қуёш тангриси мададкоринг бўлсин.

Массагет отлиқ аскарлари орқада қолдирилган эронийлар қароргоҳига бостириб кирганларида улар энди овқатларини сузиб, шароб тўла мешларни дастурхон ёнига келтириб қўйган эдилар. Қисқа жангдан сўнг эронийлар орқаларига қарамай қочдилар. Уларнинг бир қисми қиличдан ўтказилди, бир қисми қўлга туширилди.

Асир тушган бир эроний сўроқ вақтида Сипарангизга шундай деди:

— Улуг саркарда экансиз, бизни гафлатда қолдириб, устимизга бало-қазодай бостириб келиб қолдингиз. Биз энди базми жамшид бошлаган эдик.— У шароб тўла мешларга ва заррин косаларга, овқат сузилган товоқларга ишора қилди.— Булар бизга эмас, сизларга насиб қилган экан.

— Овқатларингиз, шаробларингиз ўзингизга буюрсин, бизнинг зиёфат емоққа вақтимиз йўқ,— деди Сипарангиз шароб сузилган косаларга қараб, аммо ўзининг бир тотиб кўргиси келиб турарди.

— Йигитлар йўл юриб, жанг қилиб чарчади, отлар ҳам толиқди, уларга бир оз дам бермоқ керак,— деди ёш сардорнинг йигитларидан бири.— Тамадди қилиб, сўнг дарҳол отланамиз.

— Тўғри, озроқ дам олайлик, тамадди қилайлик,— дейишди қорни очган йигитлар дастурхонлардаги ноз-пезматларга қараб.

Сипарангиз иккиланиб қолди, кейин:

— Ҳой, чол,— деди асир эронийга қараб.— Бошинг учун рост сўйла, овқат ва шаробларга заҳар солинган эмасми?

— Ўзимиз емоқчи бўлган овқатга нега заҳар солайлик? Нима, ўзимизга ўзимиз душманимизми? Барча хударининг худоси Аҳурамаздани шафе келтириб қасамёд этаманки, биз бу ноз-пезматларга заҳри қотил солганимиз йўқ.

— Сўзларингнинг тўғрилигини исботлани учун булардан еб-ичиб қўр-чи!

Асир шароб ичиб, товоқдаги гўштдан еб кўрсатди. Қўлга туширилган бошқа эронийларга ҳам шароб ичириб, овқат едириб, уларнинг заҳарланмаганига қаноат хосил қилгандан сўнг, йигитлар дастурхонлар ёнига ўтирилдилар-да, шаробларни нўш этиб, пишириб қўйилган гўштларни тушира кетдилар.

Ўткир шароб умрида ичкилиқ ичмаган ёшларга дарров таъсир қила қолди. Улар ҳиринглашиб, бир-бирлари билан асқия қила бошладилар. Қоровулга қўйилган от-

лиқлар ҳам бенасиб қолмасынлар, деб уларга овқат ва май обориб бердилар. Бир оз овқатланиб отланмоқчи бўлган йигитлар оғизларига ичклик тегиши билан хурсандчиликка берилиб, қанча вақт ўтганини билмай қолган эдилар.

Кайхисравнинг муддаоси ҳам шу эди. Массагетлардан қочиб қутулган эрон отлиқларидан баъзилари Кайхисрав ҳузурига етиб бориб, қароргоҳда рўй берган ҳодисалардан уни воқиф қилгач, у отининг бошини орқага бурди, анқайиб қолган юмонқозиқ устига ташланган илондек Сипарангиз қўшинига бирдан ҳужум қилди. Қорувул бўлиб-турган ширақайф аскарлар эронийларининг етиб келганиларини пайқамай қолдилар. Қисқа жангдан сўнг душман уларни қириб ташлади. Баэм қуриб ўтирган йигитларнинг баъзилари жанг суронини эшитгач, ўринларидан тураман деб, гандираклаб йиқилиб тушибди, отларига етиб олганлар қиличларини қинидан суғуришга улгу-ролмадилар. Баъзи ёшлар жанг кўрган аскарларнинг сўзи-га кирмай, отларига дам бериш учун айилни бўшатиб қўйишган эди, шу сабабдан отларига минишлари билан эгар қийшайиб, отларнинг қорнига қелиб, ўзлари бошлари билан ерга санчилишиди. Хуллас, душманинг наирангига учиб, ҳушёрликни қўлдан берган Сипарангиз ўзининг бир неча йигити билан асир тушиб қолди. Уларнинг оёқларига қишан солиб, қўлларини орқаларига боғлаб Кайхисравнинг рўпарасига тургизиб қўйишиди. Шоҳ истеҳзоли илжайиб, асиrlарни кўздан кечирди.

— Ҳа, қўлга тушдингми? — деди у Сипарангизга бош иргаб. — Ҳолинг шу-ку, мен билан жанг-жадал қилмоқчимидинг, она сути оғиздан кетмаган тирмизак!

Тириклайн қўлга тушмаслик учун душман билан тоза олишиб, у ер-бу ери тирналган ёш сардорнинг мастилиги тарқаб, ҳушёр тортиб қолган эди. У бошини виқор билан кўтариб, шаҳаншоҳга нафрат кўзи билан қаради-да:

— Ҳа, сен билан жанг-жадал қилмоқчи эдим, аммо бу баҳт менга мұяссар бўлмади, — деди. — Сен очиқ ерда расмана жанг қилишдан қўрқиб, ҳийла-макр билан бизни қўлга туширдинг. Афсуски, ёшлиқ қилиб, қилич дастасини ушлаган қўлимга манфур шароб косасини олдим ва тузоқда илиндим. Агар сен номардлардек...

Шоҳни ҳақорат қилишга ўтган Сипарангизнинг товушини ўчириш учун аскарбошилардан бири:

— Бас қил, аҳмоқ! — деб унинг юзига қўлидаги пиёладан сув сепиб юборди. Йигит бехосдан сесканиб кетган эди, унинг гаплари нарёқ-берёғидан ўтиб кетган Кай-

хисрав қулиб юборди, ёнидаги аъён ва саркардалар ҳам шоҳларига таассуб қилиб, кўзларидан ёш чиққунча хаҳолаб қулишиди.

— Кулинг-а, кулинг,— деди Сипарангиз уларга жирканиб қараб,— кўн ўтмай йиглайсиз, қон йиглайсиз. Ҳийла ва макрларингиз энди иш бермайди, арслон терисини ёпинган тулкилар...

Ҳалиги аскарбоши уни гапиртирмаслик учун юзига сув сепиб юборди. Кайхисрав бу сафар зўрма-зўраки илжайиб қўйди, ёни-беридагилар хахолаб қулишга журъят этмай, тиржайиб қўйишди.

— Биз қаҳр-газаб қилишини ҳам биламиз, лутфу-жарам қилишини ҳам,— деди Эрон шоҳи Сипарангизга қараб.— Ҳусусан, биз сен каби болаларга шафқатлимиз. Эҳтимол, онангни согингандирсан, истасанг, сени қўйиб юборамиз.

Сипарангиз заҳарга айланган тунигуни қулт этиб ютиб ўйлади: «Кўшинимизнинг учдаи бирини мен побуд қилидим. Сафдошларимнинг қирилиб кетишига мен сабабчи бўлдим. Агар энди бўшатиб юборсалар ҳам ўз әлатимга қайтиб кетмайман. Онамнинг олдига қайси юз билан бораман?»

— Қўлимни ечиб қўйинглар,— деб илтимос қилди у.

Кайхисрав бир мулозимига ишора қилган эди, у югуриб бориб йигитнинг қўлини ечди-да, ўз жойига бориб турди. Шу он Сипарангиз қўйидан кичкинагина ялтироқ ничоқ олиб, ўзининг кўксига санчди-ю, мукка тушиб жон таслим қилди.

— Мард йигит экан,— деди Кайхисрав бир оздан кейин.— Ўлимни помусдан афзал кўрди. Ўлмаганда, эҳтимол, улуғ саркарда бўлар эди. Майли, бўлар иш бўлди, энди мана буларни ҳам,— у асир йигитларга ишора қилди,— ўз саркардаси ортидан нариги дунёга жўнатинглар.

III

Сипарангиз ва унишг сафдошлари ҳалок бўлганилиги тўғрисидаги хабар Тўмариснинг ва барча аёлларнинг юракларини ўқдек тешиб ўтди. Руҳий азобнинг зўрлигиндан уларнинг кўзларига ёш ҳам келмай қолди. Бирмунча вақтдан кейин соябон араваларнинг ичидан хотинларнинг дод-фарёди эшитила бошлади. Ҳусусан, Сипа-

рангизнинг қайлиғи соchlарини юлиб йиглаб, ҳамманинг юрак-бағрини эзib юборди, аммо Тўмарис қайғусининг зўридан йиглай олмасди. У эси огиб қолгандек бир нуқтага тикилганича қотган, лаблари бир нима деб пичиrlар эди.

Қайғу-ҳасратнинг давоси — душмандан ўч олиш эди. Даҳшатли хабар келган куннинг эртасига Тўмарис тажрибали уруғдошларини тўплаб, кенгаş ўтказди.

Давра қуриб мункайиб ўтирган кексаларга, кампирларга, душмандан ўч олиш истаги билан ёнган ёшларга бир-бир кўз югуртириб, титроқ овоз билан:

— Оталар, оналар, укалар, ахволимиз танг, фалокат бойқушлари тепамизда учиб юрибдур,— деди.— Ёвуз душман навқирон йигитларимизни макр билан қириб ташлади. Биз уларнинг ўчини олмоғимиз, бор кучимизни тўйлаб, ёвни юртимиздан ҳайдаб чиқармоғимиз керак. Шу тўғрида сизнинг маслаҳатингизни олмоқчимиз.

Тўрда ўтирган оппоқ соқолли, кулча юзи қип-қизил, ўткир кўзли бир чол томогини қириб гап бошлади:

— Бепарво бўлганимиз, ғафлат босиб бемаслаҳат иш қилганимиз учун бизни Михра¹⁰ жазолади. Агар биз юборган қўшинга Сипарангиз эмас, қўн жангларда суяги қотган, эҳтиёткор бир киши бошчилик қилганда навқирон йигитларимиздан ажралиб қолмас эдик. Сипарангиз мард бўлса-да, аммо кўп жаңг кўрмаган, тажрибасиз йигит эди. Кейинчалик у зўр саркарда бўлиб етишарди, афсуски, умри қисқа ёкан.

— Рост айтасиз,— деб унинг сўзини бўлди Тўмарис.— Мен суяги қотмаган ўғлимни бу қўшинга бемаслаҳат бош қилиб юбордим ва манманлиknинг жазосини тортидим.

— Йигитлар орасида қизлар, аёллар бўлганида бу фалокат бошимизга келмас эди,— деди бир қампир тутақиб.— Михра аёлларни куч-қувватга тўлган вақтида, фахму фаросат ёрдамида яратган. Сипарангиз қўшинида қизлар бўлганида йигитларнинг қўлидан май косасини уриб туширап эди...

— Бўлар иш бўлди, отилган ўқни қайтариб бўлмас,— деди бояги чол унинг гапини оғзидан олиб.— Биз энди бундоқ қилсан: барча қариялар ва болаларни моллар билан орқага юбориб, барча эр-хотин, йигит-қизларни қуроллантиrsак ва душманни чўл ичига алдаб олиб кириб, ўша ерда қириб ташласак...

Кўпни кўрган чол қаергача чекиниш ва душман билан қайси жойда жаңг қилиш кераклигини батафсил

гапириб берди. Кеңгашдагилар, унинг режасини маъқуллаб, баъзи тузатишлар киритдилар.

Ўша кўниёқ Тўмарис, урушга ярамайдиганлар пана-роқ жойга юборилсан, деб буйруқ берди, кейин отларининг жиловидан ушлаб саф тортиб турган эркак ва аёлларнинг қурол-ярголари, уст-бошлари, оёқ кийимларини кўздан кечирди. Уларнинг пухталигига қаноат ҳосил қилгандан кейин бир аргумоқни қурбопликка сўйдириб, Қуёш тангрисига илтижо қилиш учун бир тепалик устига чиқди; белидаги олтин камарига осилган қиличи ва қалқонини ерга қўйиб, массажетлар наздида худоларнинг худоси бўлган Михрага сифина бошлади:

— Эй, бутун мавжудотни — еру кўкни, сув ва ўтни яратган Қуёш тангриси! Сен кўзингни очсанг — олам нурга тўлади; кўзингни юмсанг — ер юзини қоронгилик лашкари босади. Одамларга ўт берган ҳам сен, дарёларни тоширган, экинизор ва ўтлоқларга сув берган ҳам сен! Қўй ва кийикларни кўнайтирган, дои-дунга барака берган ҳам сен! Эй, улуг Қуёш тангриси, бизни эронийларга хор қилма, дилимизга гайрат, билагимизга кувват атоқил, юрагимизга ўч оловини сол! Қиличимизни ўткир қил, токи, юртимизни оёқ ости қилган маккор душманини тор-мор айлаб, қуллик балосидан ҳалос бўлайлик!

У нажот сўраб Михрага ёлвораркан, кўзларидан дувиллаб ёш оқиб кетди. Бир лаҳза ерга қараб турди-да, ўзини тутиб олгандан сўнг қилич-қалқонини тақиб олиб, пастга тушди, ўйноқлаб турган оқ отига миниб, қуролланган ҳалқиқа мурожаат қилди. Юртнинг бошига тушган фалокат тўгрисида гапириб, сўзининг охирида шундай деди:

— Она-сингиллар, ака-укалар, қаерга кетаётганингизни ҳаммағиз биласиз. Шу кетганимизча ё ҳаммамиз битта қолгунча қирилиб, ўз қонимиз билан шаънимизга тушган донги юваб ташлаймиз ёки душманини қириб юбориб, галаба билан қайтамиз. Ишонаман: орамизда Эрон шоҳи олдида тиз чўқадиган номард йўқ. Биз албатта енгамиз! Шафқатсизликни бизлардан кўрсein Эрон шоҳи!

— Бизни жаангга бошила, онахон! Душмандан интиқом олиб, дудпни димогидан чиқарайлик!

Офтоб нури Тўмариснинг елкасига тушиб турар, тўё Михра нурли қўллари билан уни сийпаб, олқишилаётган дек бўлар эди.

— Эл-юрт аёл кишининг фотиҳасини олди, галаба бизга ёр бўлгай,— деди соқоли кўксига тушган бир чол.

Шу пайт тип-тиниқ осмонда бир бургут қапотларини

кенг ёйиб, улар устида айланга бошлади. Қуролли йигит-қизлар бошларини кўтариб, унинг парвозини томоша қилдилар. Ҳамма кўзлар чақнаб, юзлар ёришиб кетди, чунки уларниң эътиқодида бу яхшилик аломати эди...

Тўмарис тиш-тирнотигача қуролланган ва ҳали чарчамаган Эрон қўшини билан ҳозир жанг қилса, оқибати хунук бўлишини яхни биларди. Энг олдин душманни чўлларда сарсон қилиб, унинг тинкасини қўритиш ва қулай жой тониб туриб, жанг қилиш керак эди.

Енгил ғалабадан ҳаволанган Эрон қўшини Тўмарис нинг чекинаётганини эшитиб, зудлик билан уни таъқиб, эта бошлади. Кайхисрав осонгина зафар қозониб, ўлжа олишга шошилаётган қўшинини тўхтатиб қолишдан ожиз эди. Массагетлар эса бир тепалик остида ўзлари учун қулай жой ишғол қилиб, саф тортиб турдилар. Биринчи сафда ўқ-ёй билан қуролланган енгил аслаҳали мерганлар, улар орқасида оғир қуролли аскарлар турар эди. Кайхисрав аскарлари секин-аста яқинлашиб келавердилар. Массагет мерганлари тўсатдан уларни ўққа тутдилар, садоқлар бўшаб қолгач, узун дастали мис болталар, қалта наизаларни ишга солдилар. Қўшинининг икки ёни ва орқа томонини ҳимоя қилиб турган отлиқлар сувлигини чайнаб, тилла ўмилдириқларини офтобда ярқиратиб турган сабрсиз аргумоқларниң бошини қўйиб юбордилар. Сафлар бир-бирига аралашиб кетди. Қилич ва наизаларниң бир-бирига тарақлаб тегиши, жангчиларниң сурони, отларниң кишинаши, ярадорларниң инграши бирга қўшилиб, қиёмат-қойим бўлиб кетди. Одамлар гуж бўлиб олиб, бир-бирига наиза санчар, болта билан бошига туширас, қилич билан чопар эди. Жанг шу зайдада кечгача давом этди. Ўз ерларини ёвдан тозалаш ва ўч олиш иштиёқи билан ёнган массагетлар жонбозлик кўрсатиб ёв билан мардларча олишишди, ниҳоят, зафар уларга ёр бўлиб, душманни орқага сура бошлиши. Зарина бошлилигидаги отлиқ қўшин душманинг чап қанотини синдириб, орқага ўтиб олди. Бир тепалик устида жангни кузатиб турган Кайхисрав қилич яланғочлаб, ўз навкарлари билан жангга шошилди, бироқ у бирини тўқишишда ёқ ҳалок бўлди. Кайхисравининг ўлганини билиб, эронийларниң руҳи тушиб, юракларидаги ўт сўна бошлади. Душманинг бир қисми чекиниб, яқин ўртадаги тўқайларга яширинмоқчи бўлди. Бироқ Тўмарис бошлилигидаги эркак ва ёл суворийлар уларниң олдини тўсиб чиқиб, қиличдан ўтказа бошлидилар. Массагетлар эронийлар устидан тўла ғалаба қозониб, бир талай асир олишиди.

— Кайхисравнинг... калласини кесиб олиб келинглар! — деб буюрди ҳали ҳам нафасини ростлаб ололмаган Тўмарис. Унинг ёнида туриб, душман билан олишган келини уч-тўрт аёл жангчи билан шаҳаншоҳ аскарларининг жасадига тўлган майдонга от сурди. Кўп ўтмай, Зарина Кайхисравнинг жасадини топди ва унинг калласини кесиб олиб, Тўмарисга келтириб берди.

— Энди бир мешга қон тўлдириб келинглар!

Жангчилар дарҳол маликанинг буйругини бажо келтирилар.

Тўмарис соч ва соқолига қон ёпишиб қотиб қолган, кўзлари юмуқ, даҳшатли қаллани қўлига олиб, унга қарди-да:

— Эй Кайхисрав, умр бўйи жанг қилиб одам қонига тўймадинг, мана энди тўйгунингча ич! — деб уни меш ичига солди-да, меш оғзини чилвири билан маҳкам боғлаб қўйди.